



Na osnovu člana 29. stav 1. Uredbe sa zakonskom snagom o ustanovama („Službeni glasnik R BiH“, br. 6/92,8/93 i 13/94), člana 66. stav 1. i 6. Zakona o zdravstvenoj zaštiti („Službene novine Federacije BiH“, br. 46/10 i 75/13), Odluke o preuzimanju prava i obaveza osnivača i usklađivanju organizacije i poslovanja Javne ustanove Psihijatrijska bolnica Kantona Sarajevo („Službene novine Kantona Sarajevo“, br. 7/12, 7/17), Pravilnika o uvjetima u pogledu vrste završenog fakulteta zdravstvenog usmjerenja koje moraju ispuniti osobe koje konkuriraju za direktora zdravstvene ustanove („Sl. novine Federacije BiH“, broj: 77/17) i člana 28. Statuta Javne ustanove Psihijatrijska bolnica Kantona Sarajevo, Upravni odbor na 2. vanrednoj sjednici održanoj dana 22.02.2021. godine, raspisuje

**JAVNOG OGLASA ZA IZBOR I IMENOVANJE DIREKTORA JAVNE USTANOVE
PSIHIJATRIJSKA BOLNICA KANTONA SARAJEVO**

1. Za direktora Javne ustanove Psihijatrijska bolnica Kantona Sarajevo može biti imenovan kandidat koji ispunjava sljedeće uslove:

A) OPŠTI USLOVI:

- da je državljanin BiH; (dokaz: uvjerenje o državljanstvu)
- da ima opšte zdravstvene sposobnosti za obavljanje navedene funkcije; (dokaz: ljekarsko uvjerenje)
- da je stariji od 18 godina; (dokaz: izvod iz matične knjige rođenih)
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini (bilo koji nivo države ili entiteta) u periodu od tri godine prije dana objavljivanja upražnjene pozicije; (dokaz: izjava kandidata potpisana i ovjerena od strane nadležnog organa)
- da se na njega ne odnosi član IX. tačka 1. Ustava BiH; (dokaz: izjava kandidata potpisana i ovjerena od strane nadležnog organa)
- da nije član upravnog, izvršnog ili drugog organa političke vlasti; (dokaz: izjava kandidata potpisana i ovjerena od strane nadležnog organa)
- da nema privatni finansijski interes u bolnici (dokaz: izjava kandidata potpisana i ovjerena od strane nadležnog organa).

B) POSEBNI USLOVI

Kandidati za izbor i imenovanje moraju ispunjavati sljedeće posebne uslove:

- završen medicinski fakultet – VSS; (dokaz: diploma o završenom medicinskom fakultetu)
 - položen stručni ispit (dokaz: uvjerenje o položenom stručnom ispitu)
 - da je ljekar specijalista **neuropsihijatar ili psihijatar**; (dokaz: uvjerenje o položenom specijalističkom ispitu iz neuropsihijatrije ili psihijatrije)
 - da ima najmanje 5 (pet) godina radnog iskustva u struci; (dokaz: potvrda o radnom iskustvu u struci)
 - da posjeduje znanje o zdravstvenom menadžmentu o obavljenoj edukaciji iz zdravstvenog menadžmenta, i to sva tri nivoa edukacije u skladu sa propisima o kontinuiranoj profesionalnoj edukaciji iz zdravstvenog menadžmenta, odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta. (dokaz: uvjerenje/certifikat o obavljenoj edukaciji iz zdravstvenog menadžmenta i to sva tri nivoa edukacije u skladu sa Pravilnikom o kontinuiranoj edukaciji iz zdravstvenog menadžmenta, odnosno uvjerenje o završenoj specijalizaciji iz zdravstvenog menadžmenta ili uvjerenje o završenom postdiplomskom studiju iz zdravstvenog menadžmenta)
 - da prezentira program rada i razvoja Javne ustanove Psihijatrijska bolnica Kantona Sarajevo u stručnom i ekonomskom smislu za mandatni period; (dokaz: pisani program rada i razvoja za izborni-mandatni period)
 - da posjeduje komunikacijske i organizacijske sposobnosti za timski rad (dokaz: mišljenje/preporuka poslodavca)
2. Direktor će se imenovati na mandatni period od 4 (četiri) godine.
 3. Sa svim kandidatima koji ispunjavaju uslove iz propozicija javnog oglasa, Komisija koja je imenovana od strane Upravnog odbora Bolnice obaviće intervju.
 4. Javni oglas će se objaviti u sredstvima javnog informisanja - dnevnom listu „Avaz“, „Službenim novinama F BiH“ i na WEB stranici bolnice.
 5. Javni oglas će biti otvoren 15 (petnaest) dana od dana posljednjeg objavljivanja.
 6. Rok u kojem će kandidati biti obavješteni o rezultatima Javnog oglasa je 8 (osam) dana od dana donošenja odluke o izboru.
 7. Kandidati su dužni dostaviti originalne dokumente ili ovjerene kopije dokumenata kod nadležnog organa.
 8. Sva tražena ovjerena dokumentacija ne smije biti starija od 3 (tri) mjeseca

Kandidati su dužni na Javni oglas priložiti kraću biografiju, adresu i kontakt telefon.

Prijave sa dokazima o ispunjavanju uslova traženih ovim Javnim oglasom, dostavljaju se na adresu Javna ustanova Psihijatrijska bolnica Kantona Sarajevo, Nahorevska 248, 71 000 Sarajevo, lično ili poštom preporučeno u zatvorenoj koverti sa naznakom:

„Prijava na javni oglas za izbor i imenovanje direktora Javne ustanove Psihijatrijska bolnica Kantona Sarajevo“ – Komisija za izbor i imenovanje direktora-NE OTVARATI“

Nakon završene procedure izbora i imenovanja direktora Javne ustanove Psihijatrijska bolnica Kantona Sarajevo, prijave i dokumentacije se neće vraćati kandidatima koji su aplicirali na Javni oglas.

Neblagovremene i nepotpune prijave neće biti razmatrane.